

吳
興
藝
文
補

異典藝文補卷之六十 目次

徐渭

湖嚴氏有二女其翁以長者許渭繼室渭自愆盟
頃間爲海寇斷其翁臂二女俱被執旋復放還
便已作宛轉詞憐之後知其長女被執時卽自
奮墮橋死幼女放還亦死因復賦此

元夕寄金武康

玉師挽章

道場山贈栖雲禪者

沈明臣

晚泊烏鎮

丙寅五日徐子與太守攜客汎舟下箬游廣惠寺
有叙

再送子與閩中乃故汪司馬戚將軍所經畧地

西吳夏竹枝

宿太湖口

送吳駕部公擇罷官還雪上二首

謝榛

送顧尚書惟賢之南都

冬夜徐子與同梁公實宗子相食黃精作

端午集吳郎中峻仙宅

暮秋寄懷徐子與三首

盧柟

寄徐龍灣比部

朱邦憲

泊長興望徐僉事子與天目山堂呈王叅政元美

時僉事在楚

俞允文

礪芥茶歌

送歸開甫之信都

有引○開甫名有光

李樂

烏程人

真隱樓成漫興

拳勺園

東臯澤

長林石徑

王稚登

遊弁山祐聖觀二首

入妙喜寺是皎然住持處

遊圓證寺

白雀寺宋初賜畫壁

初賜名旭寓公

施水庵古桂

菁、道中四首

過德清

幻住寺

王叔承

伏日過凌叟藻湖醫室炎病酒中乞余爲其曾大
父漢章君草傳卽席先賦短歌爲贈

赴蓮池宏上人講筵輒同宋宗獻僧行忝過訪趙
長文溪樓卽事

月夜二范陳陸二生宿常照寺

再遊范太史山莊

泛碧浪登峴山

碧浪湖出夾山潑入黃村採菊

月下對蓮花試仲昭所釀芝溪酒較華蕩三白

顧大典

登道場山

重登道場山

馮夢禎

返自雙徑舟出茗川有所建

分賦餘不溪聽夜雨

晨登石城山憇霧精廬

若下西入十里溪漲靚遠綠蔭紆迴遷汎移目得

嶂字

卷之二
贈峴山僧悟空

屠隆

春日登黃龍洞絕頂望太湖歌

道場山

圓證寺四首

白雀寺二首爲松公

吳興雜詠

吳興採桑歌

王介夫與天機和尚大舉放生社講跋美之

馮時可

前溪歌七首

秋夜泊茗上

余寅

同年臧晉叔過訪賦贈

送同年吳興李元潤之任晉陵博士

胡應麟

送閔孝廉之茗中

臧懋循

長興人

卷之二
春燕篇

送朱太復北上

重送吳允兆之燕京

宿法華寺同吳允兆章元禮賦得梁字

春望

章嘉楨 德清人

寄題茅康伯華林園

秋日田家樂

董道醇 烏程人

別李見羅六首

別許敬庵二首

茅翁積 歸安人

和吳均攜手

八月十一夜舟行作

天平山

與客再遊碧巖山

登堯峯絕頂

董嗣成 烏程人

沈長山歌 有小引○在歸安

葛陽山行卽事

湯顯祖

送臧晉叔謫歸湖上時唐仁卿以談道貶同日出

關并寄屠長卿江外

爲郭考功題趙松雪山水歌

送張蓮濱曲周

朱長春 烏程人

登下菰城

八月十五病中憶遊南湖歌

歲事歌二首

木介行

入棲賢逢朱大

春曉歸雲庵留題

遊東林山因謁陳廷尉簡肅公祠

採藥冬至上峴山

移家四首

水壯引興

橫塘夜汎曲

茅國縉

坤子

還舟自峴山

范夫人

聞思代董氏弟婦作

泛茗溪三首

送還周弟北上武前韻二首

吳興藝文補卷之六十

烏程董斯張邀周彙編

閔元衢康侯叅輯
韓昌箕仲弓增定

湖嚴氏有二女其翁以長者許渭繼室渭自愆盟
頃聞爲海寇斷其翁臂二女俱被執旋復放還便
已作死轉詞憐之後知其長女被執時卽自奮墮
橋死幼女放還亦死因復賦此

徐渭

訝道自愆盟天成烈女名生前旣無分死後空餘情粉
化應成碧神寒儼若生試看橋上月幾夜下波明

元夕寄金武康

徐渭

曾醉春街典破裘
那堪老去却囊頭
鼠交白晝爭人食
雨共青燈管夜愁
萬戶新粧譁月鏡
一天彩勝亂風毬
流思忽到茗西路
似見絃歌擁子游

玉師挽章

師蛻棺以兩瓦甕
頻駐蹕嶺庵中

徐渭

隻鞋葱嶺去三年
兩甕團團嶺箇邊
劫火只思將骨化
寒花依舊護人眠
我雖活在如籠鳥
子已瀟然作蛻蟬
安得騎牛天竺道
月明重話三生緣

道塲山贈栖雲禪者

徐渭

古塔凌空寶閣欹雲峯上去路透迤山田穫稻僧人出
湖水行舟落葉移風靜易翔施飯石日斜魚聚放生池
遠公心地元無住却共飛雲此住持

晚泊烏鎮

沈明臣

烏溪䟽碧水青漢結丹霞編戶餘諸邑江村欲萬家大
帆收估客老樹集啼鴉我亦來弭棹行吟到日斜

丙寅五日徐子與太守攜客汎舟下箬游廣惠寺

有叙

沈明臣

寺爲陳武帝霸先故宅宅有大井當帝生時井忽沸

泉浴之今稱聖井云寺右爲陽烏山帝父葬處故號
嘉陵寺前溪名下箬同游者李無文五六輩

使君攜客泛星槎古寺高林間落花龍去尚存前代井
僧來還說帝王家廢陵日落空坏草下箬波深隱片沙
聞道去年風雨惡太湖秋水沒蒹葭

再送子與閩中乃故汪司馬戚將軍所經畧地

沈明臣

越南戎馬十年餘買犢銷兵望不虛郭裏青山窺虎帳
戰前丹荔映熊車樓舡水淨江天碧蠻貊烟消海樹疎

泥有伏波銅柱在不妨賓從引長裾

西吳夏竹枝

沈明臣

橋李吳興五月時家家麥熟繭成絲
綠雲香裏啼鷓鴣翠雨陰中舞鶻鶻

宿太湖口

沈明臣

孤舟夜泊洞庭濱悵望空臺盡白蘋
水殿離宮三十六月明曾照捧心人

送吳駕部公擇罷官還雲上二首

沈明臣

長干雨過淨無塵回首千山建業春
流水一天將遠棹

桃花夾岸送歸人

天目太湖山水郡。扁舟落手混漁郎。不妨喚作天隨子。
一曲滄浪西塞長。

送顧尚書惟賢之南都

謝榛

靈氣鍾吳會。全才際聖明。管生知數早。顧凱賦詩清。
大策聞標柱。雄談見用兵。功高海上戰。威重日南聲。
聽屐猶霄漢。移官豈帝情。中原愁裏斷。北斗望邊橫。
月白三江水。山青六代城。磯看燕子在。臺憶鳳凰鳴。
雜佩兼蘭芷。孤懷寄杜蘅。酌恩心轉切。飛夢到燕京。

冬夜徐公實宗子相食黃精作

謝榛

薊門古木摧寒聲海月未高庭雪明主人掩戶自幽寂
客來盤薦多黃精昨日盈筐走道侶囂塵難得山中情
春苗滿山被甘雨正色獨從靈土生斲來一烹倏變化
咀之入玄筋骨輕我亦狂歌避世者何當辭家從何平
名山大澤無不有手把長鎚行復行龍蛇深藏雪沒徑
時有白雲相送迎青天茫茫發孤嘯悠然直與元化并
海鶴傳書約三子共躡九霞遊赤城

端午集吳郎中峻伯宅

謝榛

令節方牢落招攜慰旅顏
綵絲憶兒女蒲酒話鄉關
楚俗千年後燕歌一醉間
坐看新月色猶自傍西山

暮秋寄懷徐子與三首

謝榛

鐵網拔珊瑚驚人不可無
才人兼二陸格古變三吳
登眺秋光迥浮沉老氣孤
因思采菱曲客至話西湖

數卷從幽事官閒祗自憐
阮公悲感日遽伯是非年
海賦知華國鄉書問稅田
更憂吳餉晚長望浙西船

候蟲吟暗壁秋興起徐陵
宦味澹於水羈懷清奪冰
夜

喧風裏樹寒翳雨中燈競謁金張第踈慵獨未曾

寄徐龍灣比部

盧枏

相思木葉落迢遞起重哀瀚海雲初斷廬龍秋正來慙
無國士報獨憶鳳城隈坐令生華髮臨風一痛哉

泊長興望徐僉事子與天目山堂呈王叅政元美
時僉事在楚

朱邦憲

使君家在雪溪濱吏隱何方寄此身三尺能安全楚地
一船愁泊舊吳人門扁天目無迎鶴書發江心有去鱗
却喜鄭莊膺重鎮定煩郊馬出城闔

不
卷之二
五
巉岩茶歌

俞允文

陽崖陰林草性靈巉岩二月茶芽生紫芽連卷青未吐
處處報春山鳥鳴高雲行空露華碧新雷已過衆壑晴
筠籠芳鮮採摘成谿口焙來誇至精婺源陽羨空有名
自餘諸焙皆可輕豈知天產合國寂最後始出人更驚
得之不瑤玉與瓊開緘試新手自烹冽泉甘澄勝餽露
綠烟摘旄啼春鶯小鼎初看火候勻精氣瀲灩紛蘭英
素瓷吹香淨肌骨往往似與真意并高齋晝眠還獨醒
靜待松月流孤清王濛好飲不解飲陸羽毀茶空有經

枉使千峯待逋客無復雲霞深處行

送歸開甫之信都

有引

俞允文

開甫以經術理長興屬余寫卓茂傳揭之廳壁其治
多準古道而不合於今之人故訕者森若交戟三年
稍得判馬政於信都殆所謂策騏驎而服鹽車也賦
此言別兼以申其屈云

百里長城縣山迴萬壑紆陽坡眠轂鯨陰洞產於菟紫
笋披雲摘青蘭帶草鋤土風饒險勁案牘少歡愉卓茂
存心古鍾離與衆殊名高翻忤俗道大不因愚此日騰

交戟何人悔失珠九方沉藻鏡萬匹混駒駉自是龍爲
友無煩罵化是周王求八駿非爾欲誰須

真隱樓成漫興

李樂

百尺樓何在吾今小隱成窓虛四望豁春麗萬花明密
竹人稀到空山鳥應聲誰能會深意豈是只逃名

拳勺園

李樂

水風波不起拳石意趣常嘉主人有此樂地何須再
問樂麻

東臯澤

宋末隱士沈平號東臯

李樂

鑿池壘石似甯布袍蔬食疑貧君撰鎮紀余續千載會
爲一人

長林石徑

審印寺內

李樂

散躅探幽幾度來徑開如矢淨無埃年年溪上春歸後
千樹濃陰覆綠苔

遊弁山祐聖觀二首

王穉登

卞山青未極丹洞碧雲邊暖徑縈新草春泉落遠田客
行經石坐樵檐倚松眠今日清人眼峯峯致爽然

草密餘荒殿山圍似古城片籬黃犬靜二月野梅清欄

色澄浮酒林聲細間鷺數杯酣夕日群坐濯長纓

入妙喜寺是皎然住持處

一名寶積寺

王穉登

不知寶積寺灰劫廢來深碧殿殘非古青山空至今野
花春礪落細竹石橋陰爲問高僧跡淒涼坐獨吟

遊圓證寺

王穉登

複嶺陟坡陀禪官入薜蘿客來寒日短僧定暮雲多竹
枝疑龍化藍輿當馬馱山城歸去晚昏黑柰君何

白雀寺宋初陽蓋壁

王穉登

客居深谷少躋攀終日惟看壁上山道者焚香瞻碧落

村翁拂石拜潺湲空庭不掃留雲住寒殿常開放鳥還
獨少病維摩詰像散花人不下禪關

施水庵古桂

王穉登

十閫老桂前朝木何年留在空山曲撲酒先聞香五里
易米常收花十斛山僧縛帚掃蒼苔花下柴門日日開
不言龍樹稱菩薩豈知金粟是如來

菁山道中四首

王穉登

烟渚八百桑沙田一半秫人攜鹿去來舟載雲出入
風急夜防虎月明人捕魚山雲長五色太史近藏書

霜寒木葉紅水漫溪痕綠黃髮尸鄉翁驅雞下茅屋
耕雲秋竹深條桑賣絲賤四時長食筍千家半衣練

過德清

王碑登

一半青山不出城暮雲寒靄雨中生槐根古縣門長閉
蘭葉扁舟人倒行

幻住寺

王穉登

小殿青松紅粉牆黃金像對晚山蒼門前亦有三生石
同約王孫歸故鄉

伏日過凌叟藻湖醫室灸病酒中乞余爲其曾大

父漢章君草傳卽席先賦短歌爲贈

王叔承

明興國醫凌漢章鍼艾之奇稱第一至今海內怪事傳
多端競謂仙人出楚婦曾生死後屍吳兒每挽廢餘骨
瞽明瘥起灑然去壁邊棄杖纍纍立我逢曾孫雙林橋
賸有家風得神術孫也稱翁七十四念載交游足高誼
蒼頭童子盡善余入門雞黍移時備室中小婦梁溪來
八歲佳兒玉樹開白髮青蛾老得媚臨月復有明珠胎
余來閨饌多美腴妾亦似窺江海懷六月病瘵抵翁炎

呼兒一燭進一杯
湏臾浮白數十醕
艾香熏席清烟迴
四方男女日百輩
或刺或灼列如隊
黃金青錢任客酬
蔬果綿絲各隨意
是日洞庭雙婦蠱
輪茵蹢躅喘相苦
汗上漉下開四鍼
瞥使輕身快堪舞
飲間乞傳傳魯祖
竒效往往追其武
扁鵲華佗無後人
艾色鐵光映前古
赴蓮池宏上人講
筵輒同宋宗獻僧
行恣過訪趙

長文溪樓卽事

王叔承

齋餘尋勝侶
塵市卽滄州
少喜千秋業
貧嫌七貴游
野航蓮社約
村醕藥錢留
滿眼驅田舍
那堪百尺樓

月夜二范陳陸二生宿常照寺

王叔承

野鹿迷春燄潭龍噴晚烟偶成蕭寺宿真悟梵王玄
亂竹泉聲裊長峯塔影懸好留明月在與爾共棲禪

再遊范太史山莊

王叔承

群峯杳不迷重過武陵溪流水忽平上野花開欲齊
玉漿千日酒仙膾五文雞靜失人間世從教夕景西

泛碧浪登峴山

王叔承

白舫隨鷗影青帆濕浪花山垂湖上翠雲擁日邊霞
木落寺門出石危沙徑斜飛觴暮光急吾分宿蒹葭

碧浪湖出夾山濱人黃村採菊

王叔承

道場山下出重湖翻怪重前喜畫圖種菊人家何處是
漁翁問了問樵夫

月下對蓮花試仲昭所釀茗溪酒較華蕩三白

王叔承

茗水涓涓華水清麴生香闌酒花明碧蓮白蓮恰新放
月底雙娥把玉罌

登道場山

顧大典

每經禪誦處不覺厭微官寶地何年闢青山盡日看鶴

歸潭樹夕龍卧洞門寒且莫愁昏黑層崖雪未殘

重登道場山

顧大典

石磴恣攀躋風高倚杖藜竹侵新闢徑苔蝕舊留題遠
水寒初落閒雲淨欲棲吾家烟樹裏只隔五湖西

返自雙徑舟出苕川有所遲

馮夢禎

遵渚越靈鷲歷嶠復從川分岐乍有睠遷汎情靡延連
巖疊翠姿嘉木亦蕤鮮微雨滌暄陽涼颺回晴烟山壑
諸風尚翰墨性所便遠囂集暇豫接慮成佳妍

分賦餘不溪聽夜雨

馮夢禎

尋山洽在晨枕流眷茲宵夢斷籟如引聲積情靡遙簞
虛愜微涼波響滌餘囂寤寐咸有契容得滯流潮

晨登石城山憇霧精廬

馮夢禎

雲巘延夕矚霧策紆朝尋龍蓂結峯頂逶迤越石林烟
姿積攢翠谷響流春禽憇室承蕙馥掇芳挹泉馨卽事
情已縻歷覽遲開氛

若下西入十里溪漲靚遠綠蔭紆迴遷沆移日得

嶂字

馮夢禎

夙昔睠幽溪于今凌漭瀆引艇及朝暉縈洄窹夕漲少

通離煩囂展轉入蕭曠岸修交濃陰偶缺露青嶂瞻岫
集遙姿睇漣延近狀藻景散林光韻枝紛鳥唱改步欵
闌躊躇憇紆迴望地偏俗駕罕侶勝遊踪暢綿蕤不遽
頽沉驪將無蕩

贈峴山僧悟空

馮夢禎

師去柳依依師來雪正飛三年方會面萬里釋調饑山
月明禪室天香染客衣鈍根吾自愧敢擬箭鋒機

春日登黃龍洞絕頂望太湖歌

屠隆

天風吹上黃龍頂古洞豁舒極深迥知有神龍那敢窺

千尺何緣下脩綆谷響震崖危若崩嘯語觸龍龍欲醜
青松夾道日滄涼白霧浮空氣溟溟津路懸危石嵌朱宮
花發幽香遍蒼嶺登高望遠曠無垠一目太湖三萬頃
東南巨浸唯此湖排雲列嶂開盡圖勢敵滄海不肯下
歸包百川來委輸糠粃片片揚帆席芥子茫茫泛軸艫
有時長風捲島嶼有時空水澄菰蒲馮夷擊鼓魚龍舞
神女吹笙雁鶩呼四百八寺盡吞吐七十二峯疑有無
洞庭包山鬱盤結林屋華陽通孔穴吳宮行樂豪華過
越艦陳兵霸圖歇田父畊收土蝕釵漁人網取沙銷鐵

獨有一舸浮鷗夷高風至今名不滅臨流浩歎今昔非
磨盡英靈何處歸輕帆柔櫓頻相續利舫名舫去若飛
誰解閒遊烟水闊桃花正紅鰕正肥風起晚投落雁浦
月明夜泊釣漁磯毛公壇在餘靈氣龍威洞深禹書秘
多少仙人住洞天何限丹經藏福地我將親叩大茅君
一啓金箱玉笈文

道場山

屠隆

落日泛苕川輕輿陟雲岫衆草蔭香臺條桑翳清晝汀
鷗結伴飛野雉避人雒曠望平楚蒼原田錯如繡村操

入松篁行歌
畚澗溜晚翠濕空堂
閑雲宿虛牖
瑤席布曲池
甘泉寫鳴竇
廢殿蝸蝕垣
古砌苔封礎
天炎夏木初氣變
春蠶候昔賢
揜蒿蓬荒岡
但遺構
高山杳莫攀
流水亦空奏

圓證寺四首

屠隆

精藍留古蹟
冉冉泝清湍
野岸依蘭櫂
斜陽在繹冠
雨催花事老
風送麥秋寒
漸與人寰隔
山行千萬盤
簾輿行磴道
松樹已成圍
萬壑聲喧戶
千山翠撲衣
洞春龍尚卧
林晚鳥知歸
便欲攜親友
相依白版扉

自是圓修地欣逢苦行僧
禪心朗溪月清德瑩壺永不
惜牽蘿薜將因斷葛藤
人行吾獨宿永夜一龕燈
客來欲忘世春去不知年
石上三生話堂中一宿禪
佛身嬰寶珞僧舌長青蓮
光壽俱無量毫端現大千

白雀寺二首爲松公

屠 隆

踏藋西來後傳燈東渡時
真詮祖師意靈骨比丘尼
金碧前朝蹟房廊廢殿基
誰知師苦行手自剪茅茨
鐘磬鳴斜日琉璃照上方
留僧常結伴種樹已成行
鳥下餐香積龍來護講堂
褐衣聊借宿親睹玉毫光

吳興雜詠

屠隆

山川清遠說吳興
良史揮毫繪未能
花裏人家藏牧吹
水邊茅屋散漁罾
香隄落日歌連袂
畫舸春風唱采菱
最好前溪明月夜
一天風露坐壺冰

曉來倚檻看鷗鳬
日照山光澹欲無
宛宛橫塘垂弱柳
亭亭淺水出新蒲
揚鞭陌上人千騎
蕩漿城南酒百壺
多少提筐桑下女
不知若箇是羅敷

吳興采桑歌

屠隆

湖水連天皺縠紋
湖邊車騎出如雲
女郎陌上羞無那

作意春風吹繡裙

王介夫與天機和尚大舉放生社詩以美之

屠隆

種德元從浩劫前
雙脩悲智大乘禪
慧心欲入三摩地
慈觀先成八福田

新開百畝放生池
十丈蓮花淨碧漪
童子折竿漁罷釣
和羹只自采蓴絲

晚菰早韭堪膳夜
鯉晨鳧不薦餐
鮓蟹門人空設議
竟陵下亦應歡

比丘居士總前因此日慈心功德新豈異人乎流水是
十千天子盡魚身

前溪歌七首

馮時可

前溪水渙渙溪上花爛熳鋤地種芳蘭葛根不能斷
溪水從山下芙蓉鏡中寫不滌即君衣但滌即君竿滌
竿引即酣滌衣恐即冶

前溪水兩股雙流不交午老男心似童中婦顏如姥
夢思沈前溪歡今在東武新水自流觴舊水但灌圃
前溪似洛溪洛神在何許竹作湘妃斑鳥作杜鵑語

心冷語不憐色悴粧不妍妍亦非舊貌憐亦異舊歡
溪喧如灩澦與歡暗中語何許最纏綿當曙還未曙

秋夜泊荅上

馮時可

千役行看近五湖飛帆宛宛緒風扶楓丹似酒酣征客
月白如霜警宿鳥秋入清砧催蟋蟀暝傳寒柝落菰蒲
官廚甕綠供相續驛路何人共百壺

同年臧晉叔過訪賦贈

余寅

芳沚漾漣漪疎林靜可披棲遲吾自許感槩爾何奇野
外猶封豕朝端正委蛇夜來看寶鈇繡澁已多時

送同年吳興李元潤之任晉陵博士 余 寅
餘不溪原接太湖釣絲長拂老樗孤春風背地都相恨
抱得殘經不出吳

送閔孝廉之茗中

胡應麟

落日抱離旌蕭蕭白雁鳴夕陽孤舫別秋水一帆征粉
署寧親思彤扉謁帝情河東新草就珥筆上瑤京

春燕篇

臧懋循

差池燕身輕尾涎涎秋至與君辭春還復來見坐惜故
巢空猶餘故人戀春時物色未應稀穿花拂葉好依依

幾件流鶯百般語不共征鴻一處飛飛來飛去長相逐
登君堂兮止君屋疎簾不碍歸盡棟偏宜宿永託于飛
賦莫唱雙離曲無端離唱起悲風回首關山去路窮自
憐弱羽將何寄所願君恩那可終不見挾侶翔吳幕窺
妝入漢宮飛名猶見妒危談尚相蒙何如舞石迎靈雨
圖芝爲化工玉筐留瑞質綠縷繫深裘侯封已成相仙
屨曾騰空

送朱太復北上

臧懋循

之子別西津傾城出餞人誰其贈言者而我託交親琴

爵聯清賞衣冠生遠塵離心不可盡况屬柳條新

重送吳允兆之燕京

臧懋循

海內日多事送君安所之野風侵管急江雨上橋危客
有澄清志朝非痛哭時明年蒿徑裏仲尉待於斯

宿法華寺同吳允兆章元禮賦得梁字

臧懋循

樹轉棲幽徑雲歸講法堂高僧留杖鉢客子問津梁
鳴磬和仙梵然燈借佛光風泉寒拂牖霜月淨移床
久厭生涯苦從耽野趣長冥心依怖鴿故業感亡羊
壁是何

年盡琴應此日張遠公不禁飲來往虎溪傍

春望

臧懋循

所思千里道積望傷懷抱不知春幾深綠盡長河草

寄題茅康伯華林園

章嘉楨

碩人葆貞素悠悠南陔思潔馨供庭闈復爲園林嬉崇
臺俯芳甸綺閣臨清漪梧月映蘿薜蕉雨濛竹枝華檐
媚雲容飛蕤爛霞姿時披鳩杖出賓婚懽相醵歡咏集
上才佳人彈朱絲花煥春自酩林靜暑亦宜縹緗娛曛
旭含毫晷恒移西山奄崦嵫小草徒爾爲歸來松菊存

會心遠在茲臨波遺鯉素向子申雲期秋風涉閭風出
宿以棲遲

秋日田家樂

章嘉禎

日落家家摘紫菱殘荷爲葢豆爲棚南鄰鷄黍盡一醉
談說桑麻共瓦鐙

東園瓜比舊年稀西泚菰蒲今歲肥桑葉未枯楓葉赤
入城先買木棉歸

別李見羅六首

董道醇

人生不忍輕別離况復相見仍無期欲留征旆不可得

大索枯腸爲賦詩我心亦何苦我心亦何悲知已不再
得生平難自持感遇長歎息借問今何時九月寒氣至
五兩北風吹日暮落葉盡天遠雁參差停驂古道傍離
筵陳玉卮固知君無飲酒量勉強勸君君弗辭君爲我
飲盡我意我爲君歌君聽之夔龍滿朝侍 聖主獨守
空谷君何爲拂衣山中漫爲樂 主恩未報君當思莫
惟吾言太狂直謝安不起蒼生咨

君呼我爲弟我以兄事君豈獨兄弟好道誼風所親以
膠投漆中固結誰能分悵焉忽離別悲哉抱酸辛所悲

豈世情真懷千古心脉脉徒自傷臨風難具陳

孤松出澗底鬱鬱凌星辰上盤千尺幹下結百尺根獨
負貞潔姿不與世相親孤貞亦何爲抱器空沉淪願移
大道傍將以蔭萬人

藪氏方失鹿楚漢分驟馳商山卧四老理亂若不知一
朝聞國難翻然起茆茨長揖隆準公高談騁雄辭固知
羽翼成國祚賴不危所以古之人出處當有時

我爲羈旅人君作遠行客長途一以長雲山望靡極悠
悠我所思日夕不得息欲置詎能忘徒思諒何益將慰

相思心不如崇令德

——居廬山頂非愛廬山幽此中有真人翠織鱗花裴文
彩炫一世迸迹在林丘身與元氣俱心與造化遊至道
諒斯在豈爲仙者流可以庇四海可以垂千秋斯人倘
不作吾生將焉休

別許敬庵二首

董道醇

我自束髮來願交當世賢相識苦不少心知良獨難感
子故相親一見生平歡意氣凌秋霜契誼聯芝蘭中情
永相結卒歲希盤桓何意卽爲別重雲分羽翰驪歌悵

修路執手空長歎風塵滿天地慎矣願清顏

寶劔韜朱匣清宵時有聲從來未輕許今日贈君行意
氣雲霄迥精光日月明非徒壯行色聊以結平生

和吳均攜手

茅翁積

天豔及時妍攜手出花原拂香共盈袖挹釧互生痕春
情觸緒感春事契心論新知良可樂要令故誼惇

八月十二夜舟行作

茅翁積

涼月漸揚暉輕橈擊月歸柔桑連岸白螢火落川微浥
露知衣薄聞香識蕙肥咄嗟炎酷盛也得爾時違

天平山

茅翁積

天朗雲平羅服輕
高騫秋駕縱奇情
前驅覓磴攀馮葛
後乘追躑應以聲
曲曲廻巒分異境
岫岫怪石各成形
區中誰秘真靈窟
一爲啣盃問太清

與客再遊琅巖山

茅翁積

十載重來思復滋
披茸步步訝幽期
湖明樹隙同巴字
巖出雲中若纍絲
沁石飛泉懸雨氣
迎空虛牝激風颭
懸稱地主猶非四
五嶽休憎婚嫁遲

登堯峯絕頂

茅翁積

馬頭藤翠出重烟路遶丹梯謁四禪白浪中分峯七十
紅塵俯眺界三千泉生石竇飛空澗颿掛湖雲綴遠天
此意若將蒙叟會秋來河泊轉茫然

沈長山歌

有小引

董嗣成

沈長山在郡之東南衆山環拱于前溪流帶綰于下
一陟其巔則茗弁金蓋諸峯盡可延頰又有古桂大
經數圍廣覆十席蓋數百年物也潘太史公近卜別
墅構臺修榭植竹蒔花此山之勝遂甲吳興暇日相
邀笙歌雜進淹留彌夕爲樂忘返爰賦長篇用表佳

麗云

天目山高高入雲迴盤觀窺凌氛氲干尋玉筍當空圻
百尺銀河界道分分流趨繞吳興郭郭外群峯散幽壑
層層螺黛浸明湖片片芙蓉開落碧落明湖霽晨夕
絳蘿芳艸幽人宅不比桃花蔽武陵乍同楊柳依彭澤
東林絲管接西隣北里桑麻入南陌箇中迢遞絕風塵
箇裏流先洽隱淪山中堪卧陶弘景谷口惟耕鄭子真
蘿幌朝朝霞似錦蘭堦夜夜月如銀蘿幌蘭堦蔭修竹
瓊枝瑤草紛相簇畦下青門五色瓜庭前甘谷九暘菊

烟霞芝朶隱神仙樓臺歌舞闌芳妍紫簫彩鳳臨瑤閣
翠袖青鸞度綺筵詎學翔風歸別院願隨關盼向樓前
朱樓隱躍中天起綵逕葳蕤覆桃李東風乍轉蕩流蘇
香塵忽動驚羅綺窈窕虛楞對玉泓飄飄朱箔綠芳沚
山阿桂樹干雲霄千齡日歲霜難凋密葉虬枝來合浦
玉香月魄疑招搖王笛清宵孤鶴下金幢際曉群仙朝
此時長嘯凌虛度此地颺輪何空御金蓋峯頭萬片雲
白蘋洲下千家樹雲陰斜掛五湖帆樹色平分半溪雨
行雲行雨逐飛觴嬌歌妙舞轉幽揚扇底盈盈番翡翠

天邊杳杳鳴鸞皇別有孤亭拂牛斗重疊河山一回首
紛紛列宿擁交疏耿耿銀河入懷袖桑田滄海湏臾事
梁園金谷今何地誰能不發淳于悲誰能不墮牛山泪
華表猶聞白鶴歸函關賸有青牛氣明月年年一共尋
青山處處快登臨攜將謝朓驚人句不負龐公卜隱心

葛鳴山行卽事

董嗣成

萬里翠烟凝探竒巖上層懸羅危石墮暎月碧潭澄月
落惟聞虎雲深不見僧仙人丹竈處猶有紫鸞乘

遂臧晉叔謫歸湖上時唐仁卿以談道貶同日出

關并寄屠長卿江外

湯顯祖

君門如水亦如市直爲風烟能滿紙長卿曾誤宋東鄰
晉叔詎憐周小史自古飛簪說俊遊一官難道減風流
深燈夜雨宜殘局淺草春風恣蹴毬楊柳花飛還顧渚
箸酒茗魚須判汝典劇書成舞笑人狂來畫出挑心女
仍聞賓從日紛紜會自離披一送君却笑唐生同日貶
一時臧穀竟何云

爲郭考功題趙松雪山水歌

湯顯祖

曉對鍾陵暮城闕開燈半壁蒼崖折就中可有鍾子期

遠勢疑無趙松雪松上徘徊多素雲雲波繚繞出峯文
何人似對琵琶峽寂歷橫琴如有聞如聞吹末蕭蕭起
隱膝層岩落春水香爐之雲無盡時君家武夷亦如此
送張蓮濱曲周張君雪川人其尊公召御史大夫也湯顥祖
白蘋風色起吳中仙令飄飄赤縣東醉着幅巾宜畫史
閒抽寶瑟付青童漳河樹影邊陰盡碣石蓮開海色空
便合政成歸攬轡漢家知有舊乘驄

登下菰城

朱長春

置酒登荒城衆木生悲風鳥獸行縱橫所見唯榛叢昔

者楚公子壯圖忽已終高臺與曲池莽莽無遺踪人生
在天地速如尊酒空豪奢快得意一旦皆蒿蓬古迹遺
後人但使悲無窮日暮望衡山歌罷傷予衷

八月十五病中憶游南湖歌

宋長春

去年中秋有好月今年中秋無好月今年支骨卧小樓
去年曾上泛湖舟一雙木槳百斗酒日沒搔出城南頭
城南南湖湖水碧中有巨石平如席兩瀉夾從天目來
亂山側向城頭立初時雲葉浮如落月後徐從水底生
山木蒼蒼微欲動白波映天半作曉雨星只見飄葦荻

陰風淩來客欲泚忽然吹落雲頭空四面青天月在東
湖水橫飛百丈錦低首可以觀魚龍山頭尖尖青見草
塔陰半倒湖心中蘇灣火點堤外開峴山水上鐘聲來
郭頭雞犬稍欲靜白鳥啼下城南臺我起打壺客酌酒
石上亭子方如斗坐之把盞酌漁歌盞中邀月如在波
回頭正見峴首白撥船更上山之坡山坡之上窪尊石
石高下見月湖色酒人左相照不起一杯獨勸尊前客
客醉謂余余可吟舉筆對月風生林湖山秋月助我興
十篇高咏聲如金但見草蟲四野應滿山高樹鳴棲禽

衆客起舞相和呼問湖古來有此無湖平不動北斗落
一輪月下西山孤却灑餘酒送湖月號余朱令中秋湖
中秋湖水中秋月今年月負中秋節也知朱令病不來
無人更理南湖柅南湖湖水秋正多但令有月水自波
欲借湖風吹病去九月月來遊如何

歲事歌二首

朱長春

除夜春雷隱地起小年歲雪紛未已黃泥乍融不肯凍
百草作芽青欲死草死不愁愁麥黃冬暖根薄恐易傷
眼前米市忽騰糶人間那得陳千倉城頭鳥鵲無數叫

父老對之愁斷腸

歲前立春下黑霧三日蒙蒙歲朝度白日不光雲頭烏
沾衣如墨土如腐歲風況自東南來發書占之民有灾
苦竹根邊土螾動棠梨稍上山蜂猜豈無當道問牛喘
對雪呼僮且舉杯

木介行

朱長春

空溪淅淅復淅淅一夜風響如霹靂雲紛天晦急雪來
半是虛花半成汁初時點戶濕有聲瑟如簾下擊秦箏
湏臾上下雨且凍滿地蹴裂黃河冰冰荒荒兮雪離離

乍融乍合白垂垂千家瓦瓦一時結大如木扇長如錐
茫茫山川望不見但對孤城白於練忽然衆鳥齊飛呼
千株萬樹都封遍碎者作花聚作葉疑是梨花夜開月
披枝搖曳無數鳴又如列戟揚兵聲城中萬戶閉不出
一老臨河獨歎息問之氏頭手把樹十年木介曾如是
水荒田沒盜賊起至今賣子歸無處往時臘歲今況春
雷動草出水有潯南市白米斗錢百四方在在流饑民
舍咨相坐未卒語雪風吹濕頭上市關門且抱牀下甕
喚婦當爨自煮鱗

入棲賢山逢朱大

朱長春

日照棲賢白空山步正賒
谷禽飛避客樵子領歸家
野食烹秋菰荒籬對澗花
偶然逢故舊小坐說桑麻

春曉歸雲庵留題

朱長春

細草迷巖路平田帶寺門
春風遊客少宿鳥見人喧
山翠當虛坐花紅落小軒
清幽愜所好况對道林言

遊東林山因謁陳廷尉簡肅公祠

朱長春

策杖探靈跡褰衣拜故祠
仙人井何處卿士月臨枝
冰玉先皇鑑松筠此日思
徘徊下山夕卧聽濯纓辭

採藥冬至上峴山

朱長春

採藥至山寺仲冬野日清寒光侵艸色陽氣入鐘聲
雉子飛餘雪漁人出晚晴占年望雲物未得免浮生

移家四首

朱長春

翠竹新栽映白沙碧湖深處是吾家欲逃城市移家遠
頗有山林發興賒野鳥昨過窺几席隣人相見饋魚蝦
蘧蒿不少楊雄宅翻喜門無載酒車

裝青杏白野田香浴鷺飛鳬煖渚長盡艇春游山靄靄
雲帆時度水茫茫一尊行樂依花塢雙鬢偷生託藥囊

便與妻兒成避世他時雞犬卽仙鄉

每怪陵瓜傳五侯何須徑竹候羊裘漁樵來往人皆好
丘壑行藏老卽休巢燕閣頭飛娜娜戲魚籬尾出悠悠
采蓮采芰明朝興早向東隣買小舟

曲笠聊從采杜蘅含香未擬望金莖養生叔夜貪遊興
多病相如薄宦情薄酒不時從社飲野人隨地結春耕
卜居已賦攬終隱漁父何勞更問名

水壯引興

朱長春

宿雨浮山眇欲無啾啾蘆葉生群鳬巖邊樹擁回流白

雲際帆隨反照孤，滿地菰葦翻釣舍。
誰家簞笠罷農夫，籬花徑竹垂垂沒。
莫遣沙崩損藥爐。

橫塘夜汎曲

朱長春

寒沙白石鮮，是昔五亭道。古木月中清，人家蘼秋草。
九月天清高，河風生白濤。空船不蓋席，吹濕水綿襖。
醉聞號白鳥，愁思忽而發。仰止北辰星，攜杯望天末。

還丹自嶽山

茅國縉

城南佳麗地，選勝復來登。葉密經衣碍，山昏列炬升。
月斜雲灑淨，風急嶺雲層。歸渡中流駛，停橈唱采菱。

閨思代董氏弟婦作

范夫人

芊芊河渚草柔條媚芳堤爰有深閨姝對此復含思長
風從西來飄飄入重幃攬衣步中庭視彼夜何其衆星
歷可數涼月吐華姿瑤尊飛玉霜寶瑟掩塵絲君子遠
行行誰復施膏脂曷言長安近眇眇天一涯嚴風沙皚
皚流水波瀾瀾容與凭虛闌白雲窺戶楣願假晨風翼
折贈以丹莢

泛茗溪三首

范夫人

扁舟泛泛五湖白芳草芊芊亂行陌滿目蒼烟飛暮霞

一片晴山千仞碧

洞庭風景烟如織
芙蓉花香鳴蟋蟀
嘹唳孤鴻天際來
縹緲旌帆雲外沒

落日平沙遠
荒幽紛紛楓葉逐行舟
靜看此去東流水
載盡浮沉千古愁

送還周弟北上武前韻二首

范夫人

二月春深寒未消
翠衣遊子楚天遙
忽聞別院鳴機夜
疑似金閨度剪刀

陽關三唱渭河濱
鴻雁天邊羽乍分
送別豈堪回首望

盈盈青眼逐征雲

吳興藝文補卷之六十終